

Borgu - Agape Dewtere - God's Love Letter Scriptures

Yuhaana 15:9 Hande no Baaba yidirimmi, nun jidirmi on. Tabbitee der yidde am. Esaaya 43:1,2 - Efesu 2:10 Yehova nun wadi en, kanko tagi en diga e kawtal men e Yeesu Almasiihu, gam golle boodde. Golle boodde den, Yehova siriyake de diga aran gam gaden de.

Yeremiya 1:5 - Galaatiya 1:15 Amma Yehova subii am diga mii woni der reedu inna am, noddimmi sabbu moyfere mum.

Yuhaana 15:16 Onon bane subimmi, min subi on go desumi on jahon, dimoon bibbe, bibbe moodon taboo, den Baaba hokkan on huune fu ko eelirton e inne am.

3 Yuhaana 1:2 Banniraawo am jidaado, mii eela huune fu yahanee yeeso, bannu maa yanda hande no yonki maa yandiri.

Esaaya 43:4 - 1 Piyer Aranol 2:9,10 Amma onon, on laati nun lenyol cubaanjol, on limaamiibe gollantoobe Laamiido, on himbe lenyol ceniijol, on himbe be o subani hoore makko, gam baajodon haala golle makko geete. Kanko woni noddudo on, wurtini on der niwre, yaari on der jaygol mum kaynijol. 10 Aran, on laataakino himbe Yehova, amma jooni on laatake himbe makko, on kebayno endam makko, amma jooni on kebii dam.

Yeremiya 31:3 - Efesu 1:4 Diga duuniyaaru tagaaka, Yehova subii en sabbu Almasiihu, gam laatoden seniibe, be walaa gacce yeeso makko.

2 Timote Didabol 1:9 Kanko hisini en, noddi en gam laatanoden mo. Hinaa gam gadu meeden o hisiniri en, amma gam nun nun o yidiri dum e moyfere makko. Moyfere nen o wadani en diga e Yeesu Almasiihu, diga hanne bane.

Yuhaana 3:16 Gam Yehova yidii duuniyaaru sanne faa hokki Biiddo mum bajjo, gam goondindo mo fu to halku, amma heba yonki tabitiiki.

Hose'a 11:8 - Matiye 23:37 «Urusaliima, Urusaliima! an baroowo annabiibe, e paddoo wo be Yehova lildanoy maa kaaye! De duuddum jidumi hawritingo bibbe maada hande no gertogal hawritirta coppi mum ley biyeede mum. Amma on jabay.

Esaaya 49:15,16 & Esaaya 41:13,14 - Yuhaana 10:28,29 Mii hokka di yonki tabitiiki, di baatataa abada. Goddo teetataa di e junjo am. 29 Baaba am kokkudo am di, buri huune fu. Goddo waawataa ko teeti di e junjo Baaba.

Matiye 28:20 Janninee be be tokkoo ko batumi on fu. Annee, mii wondi e moodon nyalaane fu, faa timmoode duuniyaaru.»

Luka 12:9 - Yuhaana 14:1 Yeesu wi'i aahiibe mum: «Pukkinee berde moodon, goondinee Yehova, goondinon am min bo.

Jabuura 23:1 - Yuhaana 10:11 Min woni duroowo geeto. Duroowo geeto woni kokkitiroowo yonki mum gam baali mum.

Jabuura 23:2 - Kollitinki 7:17 Gam Jawgiyel gonujel caka kittaal laamu duran be. Del yaaran be to ciibije diyam kokkojam yonki. Yehova moytan gondi gite mabbe fu.»

Jabuura 23:3 - Yehova restores the soul.

Jabuura 23:4 - Iburaninkeebe 2:15 Een goodii hooreejo Limaamiibe baawoowo

endaago en der tampe meeden. Gam kanko e hoore makko o jaribaama der huune fu hande no meeden, amma o waday hakke.

Jabuura 23:5,6 - 2 Timote Didabol 4:18 Joomiraawo dadinan am ko halli fu, o yottinammi jam to Laamaare makko ne kammu. Teddujal laatanoo mo faa abada. Aami!

Filippi 4:7 Jam Yehova burudum faamu fu, reena berde moodon e miilooji moodon der kawtal mon e Yeesu Almasiihu.

Ballaaji 3:24 & Jabuura 4:8 - Yuhaana 14:27 Mii accana on jam, mii hokka on jam am. No duuniyaaru hokkirta bane kokkirani on. To berde moodon biisoo, to on kulee.

Jabuura 33:18 - 1 Piyer Aranol 3:12 Gam Joomiraawo e hakkilani foonnitiibe, oo nana du'aaje mabbe. Amma oo hokka wadoobe ko halli baawo.»

Roma 5:2 Kanko yottini en moyfere Yehova ne gonuden e muudum jooni. Dum laatake gam goondinki meeden. Een juroro hoolaare hebugo gedu der teddujal Yehova.

Esaaya 55:12 - Roma 15:13 Yehova mo tammuwe hebbina berde moodon seyo e jam gam goondinki mon. Tammuwe moodon beydoo der berde moodon diga e baawde Ruuhu Ceniido!

Yuhaana 16:22 Onon bo hande nun berde mon e biisii jooni, amma en jiidaan kade. Berde mon welan, goddo waawataa ko ikkini beldum berde moodon.

Matiye 10:30 Onon, baa gaasaaji ko'e moodon fu e limaa.

Esaaya 54:10 - Matiye 24:35 Kammu e leydi heennyen, amma haala am heennyataa faa abada.»

Matiye 11:28-30 «Garee to am on fu, onon somube, e rooniibe doolle teddude, mi hokkan on sihtaare. 29 Dowtanee am, accee mi janjina on. Gam mii yeeddi, mii diggi, den yonkiji mon heban sihtaare. 30 Gam doongal am e huyfi, ko dooninanmi on bo teddaa.»

Yimre Suleymaanu 2:10 & Hose'a 2:14,19,20

Roma 7:4 Hande non dum laatii e moodon onon bo, banniraabe am. Sabbu maayde Almasiihu on pirtaama e tawreeta. On laatake jeyde Almasiihu mo Yehova fintini diga maaybe gam gaden ko fottanta Yehova.

Wurtaago 3:14 - Iburaninkeebe 13:8 Yeesu Almasiihu gooto on nun, diga keenya, hanne, e faa abada.

Hose'a 13:4 - 1 Yuhaana Aranol 4:14 Menen men ji'ii, emen ceedo bo no Yehova Baaba liloy Biddo mum gam wara hisina himbe duuniyaaru.

Yuhaana 15:14 To on gadii ko resanmi on on laati nun weldiibe am.

Yuhaana 14:6 Yeesu toontii mo: «Min woni laawol, min woni goonja, min woni yonki. Goddo yahataa to Baaba to yiwigay to am.

Kollitinki 3:20 Mi nani darii e dammugal, mii silmina. To goddo nanii daane am go mabbiti dammugal, mi naatan wuro mum, mi nyaamda e mum, joomum bo nyaamdan e am.